



**Broj: 14-02-49-03498/17**

**Datum, 16.8.2017.god.**

**Bosna i Hercegovina  
Federacija Bosne i Hercegovine  
SKUPŠTINA KANTONA SARAJEVO  
S A R A J E V O  
n/r, predsjedateljice, Prof. Ane Babić**

**Predmet: Odgovor na zastupničko pitanje broj: 01-05-21788/17 od 10.07.2017. god. postavljeno od strane zastupnice Mersihe Mehmedagić - dostavlja se**

Kantonalna uprava za inspekcijske poslove Kantona Sarajevo, dana 20.07.2017. god., zaprimila je zastupničko pitanje postavljeno od strane zastupnice Mersihe Mehmedagić na 31. Radnoj sjednici Skupštine Kantona Sarajevo, održanoj dana 05.07. 2017.god., u okviru tačke Dnevnog reda "Zastupnička pitanja, inicijative i odgovori" koje glasi :

"Molim Zavod za javno zdravstvo da me detaljno izvijesti o slijedećem:

- korektivnim mjerama koje je naložio za sve bakteriološki neispravne uzorke vode za piće na prostoru Kantona Sarajevo u toku 2016. godine i za 2017. godinu, zaključno sa današnjim datumom;
- obavezama Zavoda i pravnih subjekata u pogledu održavanja i osiguravanja stručnog nadzora koji vrši uzorkovanje i analizu vode sa pojašnjenjem, ko i na koji način, smije vršiti ove aktivnosti (može li Općina Vogošća u tom kontekstu ostaviti bez nadzora sporne lokalne vodovode)?
- broju korisnika vodovoda čija voda nije zadovoljavala zdravstvene standarde;
- uzrocima nastanka zagađenja;
- te, da na kraju detaljno, pojasni šta za korisnika vode znači prisustvo izolovanih bakterija u kontekstu uticaja na zdravlje.

Za posmatrani period tražim također i od Kantonalne uprave za inspekcijske poslove podatke o poduzetim mjerama i sankcijama u pogledu realizacije korektivnih aktivnosti koje su ovlaštene osobe bile dužne provesti."

U vezi s postavljenim pitanjem, dajemo slijedeći



## ODGOVOR:

U periodu 2016. - 05.7.2017. godine sanitarni inspektori Kantonalne uprave za inspekcijske poslove Kantona Sarajevo su izdali 18 rješenja sa naloženim upravnim mjerama povodom nalaza mikrobioloških analiza vode za piće iz lokalnih vodovoda koji ne odgovaraju uslovima iz Pravilnika o zdravstvenoj ispravnosti vode za piće ("Sl. glasnik BiH" br. 40/10).

Pored navedenog izdat je i jedan prekršajni nalog zbog onemogućavanja rada inspektorima u iznosu od 1.000,00 KM.

Izdatim rješenjima su naložene korektivne mjere koje davaoci komunalnih usluga trebaju izvršiti, a kako bi se ponovo uspostavila zdravstveno ispravna voda za piće. U prvom redu nalaže se obustavljanje opskrbe higijenski neispravnim vodom, obavještenje korisnicima da voda nije za piće i obezbjeđenje stanovništva zdravstveno ispravnim vodom iz alternativnih izvora (cisterne ili flaširana voda).

Pored navedenog, nalaže se mehaničko čišćenje, dezinfekcija i hiperhlorinacija kaptaze, rezervoara i distributivne mreže, nakon čega se vrši ponovna kontrola vode na zdravstvenu ispravnost, a o rezultatima analize se redovno obavještava sanitarna inspekcija.

Posebno se u rješenju ističe da je zdravlje ljudi - korisnika navedenog vodnog objekta direktno ugroženo, uz moguće najteže posljedice po zdravlje i život korisnika, te se odgovorno lice upozorava da na savjestan način izvrši sve naredene mjere iz rješenja u ostavljenom roku i da obavjesti inspekciju o provedenom. Sva izdata rješenja su izvršena.

Pored sanitarnog nadzora koji vrše kantonalni sanitarni inspektori, nadzor nad izvorištima vršen je u okviru nadležnosti propisane zakonom i od strane kantonalne vodne inspekcije.

U skladu sa zakonskim propisima vodna inspekcija Kantonalne uprave za inspekcijske poslove je tokom 2017. godine vršila inspekcijske nadzore nad izvorištima vode za javno vodosnabdjevanje na području općina Trnovo, Vogošća i Ilijaš.

Općine kao pravna lica, prema članu 68. stav (2) Zakona o vodama ("Službene novine Federacije Bosne i Hercegovine" br. 70/06), dužne su donijeti odluke o zaštiti izvorišta vode za javno vodosnabdjevanje, a u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdjevanje stanovništva ("Službene novine Federacije Bosne i Hercegovine" br.88/12).



web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br. 1

Zahvatanje vode za vodosnabdjevanje je aktivnost za koju su potrebni vodni akti prema članu 109. Zakona o vodama ("Službene novine Federacije Bosne i Hercegovine" br. 70/06).

Na području Općine Trnovo postoji desetina izvorišta vode za javno vodosnabdjevanje nad kojima upravljanje vrši JKP "Trnovo". Tokom inspekcijskog nadzora, inspektor su predloženi elaborati izrađeni od strane ovlaštenog pravnog lica za osam izvorišta i provedena je javna rasprava.

Prema izjavi odgovornog lica, općina planira za preostala glavna izvorišta napraviti projektne zadatke i elaborate u narednom periodu, a sve prema raspoloživim sredstvima. Nisu pribavljeni vodni akti za izvorišta.

Vodni inspektori su donijeli ukupno 40 rješenja kojima se nalaže Općini Trnovo i JKP "Trnovo" da sprovedu zakonsku proceduru u vezi zaštite pojedinačno svakog izvorišta vode za javno vodosnabdjevanje. Postupci su u toku.

Na području Općine Ilijaš postoji 13 izvorišta vode za javno vodosnabdjevanje. Za 11 izvorišta su donesene odluke o zaštiti u skladu sa zakonskim propisima, a za dva izvorišta je postupak izrade elaborata u toku. Nisu pribavljeni vodni akti za izvorišta.

Vodni inspektori su donijeli ukupno petnaest rješenja po kojima su postupci u toku.

Na području Općine Vogošća za šest najvećih izvorišta vode za javno vodosnabdjevanje trebaju biti urađeni elaborati i donesene odluke o zaštiti u skladu sa zakonskim propisima. Nisu pribavljeni vodni akti za izvorišta.

Vodni inspektori su donijeli ukupno 12 rješenja po kojima su postupci u toku.

S poštovanjem,



**Dostaviti:**

1. Predsjedateljici Skupštine KS
2. Sekretaru Skupštine KS
3. Sekretaru Vlade KS
4. Evidencija



---

web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br. 1